

«ՀԱՍՏԱՏՈՒՄ ԵՄ»

ՀՀ ԳԱԱ Մ.Քոթանյանի անվան
տնտեսագիտության ինստիտուտի տնօրեն
տնտեսագիտության թեկնածու, դոցենտ



Մ.Գ.Մանուչարյան
12 սեպտեմբերի 2024թ.

ԿԱՐԾԻՔ

ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ

Լուսինե Համազասպի Ծպնեցյանի «ՀՀ գյուղատնտեսության մրցունակության բարձրացման քաղաքականության կատարելագործման հիմնական ուղղությունները» թեմայով ատենախոսության վերաբերյալ, ներկայացված Ը.00.02 «Տնտեսության, նրա ոլորտների տնտեսագիտություն և կառավարում» մասնագիտությամբ տնտեսագիտության թեկնածուի գիտական աստիճանի հայցման համար

Մասնակցում էին՝ Մերի Մանուչարյան՝ տնտեսագիտ. թեկնածու, դոցենտ, Լիանա Խաչատրյան՝ տնտեսագիտ. թեկնածու, դոցենտ, Եվգենյա Հակոբյան՝ տնտեսագիտ. թեկնածու, Ռոբերտ Սարինյան՝ տնտեսագիտ. դոկտոր, պրոֆ., Բելլա Գաբրիելյան՝ տնտեսագիտ. թեկնածու, դոցենտ, Գրիգոր Մանուկյան՝ տնտեսագիտ. թեկնածու, դոցենտ, Գևորգ Հարությունյան՝ տնտեսագիտ. թեկնածու, Ստեփան Պապիկյան՝ տնտեսագիտ. թեկնածու, Ալվարդ Մատինյան՝ տնտեսագիտ. թեկնածու, դոցենտ:

ԱՏԵՆԱԽՈՍՈՒԹՅԱՆ ԹԵՄԱՅԻ ԱՐԴԻԱԿԱՆՈՒԹՅՈՒՆԸ

Գյուղատնտեսության մրցունակության բարձրացման հիմնախնդիրների լուծումը կարևորվում է երկրի պարենային անվտանգության մակարդակի, արտադրության արդյունավետության բարձրացման, գյուղատնտեսական ծագման արտադրատեսակների արտաքին ապրանքաշրջանառության հաշվեկշռի բարելավման և գյուղատնտեսությունում տնտեսավարողների եկամուտների ավելացման առումով:

Հանրապետության գյուղատնտեսության մրցունակության մասին որոշակի պատկերացում են տալիս գյուղատնտեսության արտադրական գործընթացների մեքենայացման ցածր մակարդակը և ձեռքի աշխատանքի բարձր տեսակարար կշիռը,

գյուղատնտեսությունում չափազանց դանդաղ տեմպերով արդիական տեխնոլոգիաների ներդրումը, արտադրական գործընթացների գերազանցապես ավանդական մեթոդներով իրականացումը և այլն: Մինչդեռ, արտադրական գործընթացների մեքենայացման մակարդակի բարձրացումը, ժամանակակից տեխնոլոգիաների հնարավորինս արագ ներդրումը և արտադրական գործընթացների արդիական մեթոդներով իրականացումը կարևոր պայման են հանդիսանում գյուղատնտեսությունում արտադրողականության և ոլորտի մրցունակության բարձրացման համար:

«Կ գյուղատնտեսության մրցունակության բարձրացումը, մասնավորապես՝ դրան ուղղված քաղաքականության հիմնական ուղղությունների կատարելագործումը պահանջում է այս բնագավառում ընդգրկուն գիտական ուսումնասիրությունների իրականացում և դրանց հիման վրա հիմնավորված մոտեցումների և քայլերի առաջադրում, ինչն էլ պայմանավորել է ուսումնասիրվող թեմայի կարևորությունն ու արդիականությունը:

ՀԵՏԱԶՈՏՈՒԹՅԱՆ ՆՊԱՏԱԿԸ ԵՎ ԽՆԴԻՐՆԵՐԸ

Ատենախոսության նպատակն է՝ «Կ գյուղատնտեսության մրցունակության բարձրացման քաղաքականության կատարելագործման հիմնախնդիրների բացահայտումն ու դրանց լուծման ուղիների առաջադրումը: Այդ նպատակի իրականացման համատեքստում ատենախոսության շրջանակներում նախանշվել են հետևյալ խնդիրները.

- ներկայացնել ճյուղի մրցունակության էությունը, այն պայմանավորող գործոնները, գնահատման չափանիշները, ցուցանիշները և մեթոդները,
- առաջադրել գյուղատնտեսության մրցունակության գնահատման ինտեգրալային ցուցանիշ և դրա հիման վրա գնահատել «Կ գյուղատնտեսության մրցունակության մակարդակը,

- հիմնավորել գյուղատնտեսության մրցունակության բարձրացման պետական քաղաքականության իրականացման հնարավորությունները,
- վերլուծել ՀՀ գյուղատնտեսության մրցունակությունը բնութագրող ցուցանիշների փոփոխության միտումները,
- ուսումնասիրել գյուղատնտեսության մրցունակության բարձրացման քաղաքականության միջազգային փորձը,
- գնահատել ՀՀ գյուղատնտեսության մրցունակության բարձրացման վրա ներկայիս պետական քաղաքականության ազդեցությունը,
- գնահատել գյուղատնտեսության մրցունակությունը պայմանավորող գործոնների քանակական ազդեցությունը,
- առաջադրել ՀՀ գյուղատնտեսության մրցունակության բարձրացման քաղաքականության կատարելագործման հիմնական ուղղությունները և գնահատել դրանց արդյունավետությունը:

ԱՇԽԱՏԱՆՔԻ ԳԻՏԱԿԱՆ ՆՈՐՈՒՅԹԸ

Ատենախոսության մեջ իրականացված վերլուծությունների և հետազոտությունների արդյունքներից գիտական նորույթ կարելի է համարել հետևյալները.

1. Առաջադրված գյուղատնտեսության մրցունակության ինտեգրալային ցուցանիշի հիման վրա գնահատվել է ՀՀ գյուղատնտեսության ներքին մրցունակության մակարդակը:
2. Բացահայտվել է ՀՀ գյուղատնտեսության մրցունակության մակարդակը բնութագրող առանձին արդյունքային հատկանիշների և ճյուղին բյուջետային հատկացումների միջև քանակական կապը:
3. Ռեգրեսիոն վերլուծության արդյունքում բացահայտվել է ՀՀ գյուղատնտեսության մրցունակությունը բնութագրող առանձին արդյունքային հատկանիշների վրա տարբեր գործոնների համատեղ ազդեցությունը (այդ թվում՝ դիտարկված գործոններից յուրաքանչյուրի ազդեցության չափը):

4. Առաջադրվել են ՀՀ գյուղատնտեսության մրցունակության բարձրացման քաղաքականության կատարելագործման հիմնախնդիրների լուծման ուղիները և գնահատվել առանձին ուղիների արդյունավետությունը:

ԱՏԵՆԱԽՈՍՈՒԹՅԱՆ ՀԻՄՆԱԿԱՆ ԲՈՎԱՆԴԱԿՈՒԹՅՈՒՆԸ

Ատենախոսության ներածությունում հիմնավորված է թեմայի արդիականությունը, ներկայացված են հետազոտության հիմնական նպատակը, ուսումնասիրության օբյեկտը և առարկան, աշխատանքի տեսամեթոդական և տեղեկատվական հիմքերը, գիտական նորույթը և ստացված հիմնական արդյունքները, ինչպես նաև ատենախոսության արդյունքների գիտական և գործնական կիրառական նշանակությունը:

Ատենախոսության առաջին՝ «Գյուղատնտեսության մրցունակության տեսամեթոդական հիմքերը» գլխում անդրադարձ է կատարվել ճյուղի մրցունակության էության բացահայտմանն ու այն պայմանավորող գործոնների ուսումնասիրությանը, գյուղատնտեսության մրցունակության գնահատման չափանիշներին, ցուցանիշներին և մեթոդներին, ինչպես նաև գյուղատնտեսության մրցունակության բարձրացման պետական քաղաքականության իրականացման հնարավորություններին:

Ատենախոսության երկրորդ՝ «ՀՀ գյուղատնտեսության մրցունակության արդի վիճակը, դրա բարելավման քաղաքականության կատարելագործման հիմնախնդիրները» գլխում իրականացվել է ՀՀ գյուղատնտեսության մրցունակությունը բնութագրող հիմնական ցուցանիշների փոփոխության միտումների վերլուծություն, գյուղատնտեսության մրցունակության բարձրացման քաղաքականության միջազգային փորձի ուսումնասիրություն, ինչպես նաև անդրադարձ է կատարվել ՀՀ գյուղատնտեսության մրցունակության բարձրացման վրա ներկայիս պետական քաղաքականության ազդեցության գնահատմանն ու այդ քաղաքականության կատարելագործման հիմնախնդիրների բացահայտմանը:

Ատենախոսության երրորդ՝ «ՀՀ գյուղատնտեսության մրցունակության բարձրացման առաջարկվող քաղաքականության հիմնական ուղղությունները» գլխում իրականացվել է ՀՀ գյուղատնտեսության մրցունակությունը պայմանավորող գործոնների ազդեցության քանակական գնահատում, առաջարկվել են ՀՀ գյուղատնտեսության մրցունակության բարձրացման քաղաքականության կատարելագործման հիմնախնդիրների լուծման ուղիներ, ինչպես նաև իրականացվել է

«Վճարահարկային արտադրության մրցունակության բարձրացման առաջարկվող քաղաքականության հիմնական ուղղությունների արդյունավետության գնահատում»:

«Հետազոտության արդյունքների վերլուծությունը թույլ է տալիս կատարելու եզրահանգումներ, որոնք ամփոփված են ատենախոսության «Եզրակացություններ» բաժնում»:

ԴԻՏՈՂՈՒԹՅՈՒՆՆԵՐ ԱՇԽԱՏԱՆՔԻ ՎԵՐԱԲԵՐՅԱԼ

Ինչպես ցանկացած գիտական աշխատանք, սույն ատենախոսությունը ևս զերծ չէ որոշակի թերություններից, որոնցից կարևորել ենք հետևյալները.

1. Ատենախոսությունում առաջարկված է գյուղատնտեսական ճյուղի մրցունակության ինտեգրալային ցուցանիշի հաշվարկ (բանաձև 1.2.2, աղյուսակ 1.2.1, էջ 31-34), որի համար օգտագործվել են 8 հարաբերական հաշվարկային ցուցանիշներ: Ցուցանիշներից «ԳՀԱՑԲՏՀ՝ գյուղատնտեսության համախառն արտադրանքի ինդեքսը միավոր ցանքատարածությունների և բազմամյա տնկարկների հաշվով (%)» պարզ չէ երկու տեսանկյունից. համախառն արտադրանքի փոփոխության ինդեքսը թե՛ համախառն արտադրանքը ցանքատարածությունների ու բազմամյա տնկարկների հաշվով, և ինչ՞ու՞ միայն ցանքատարածությունների ու բազմամյա տնկարկների հաշվով, այլ ոչ գյուղատնտեսական նշանակության հողերի կամ հողատեսքի հաշվով:
2. Աղյուսակ 2.3.1-ում ներկայացված է «Վճարահարկային արտադրության մրցունակության բարձրացման արտադրության ծավալի ինդեքսը, արտադրողականությունը և ապրանքայնության մակարդակը»: 2007թ.-ի պետական բյուջեի 741.1 միլիոն դրամ հատկացումները 2022թ.-ին ավելացել են մոտ 50 անգամ՝ 37130.2 միլիոն դրամ, «դետերմինացիայի գործակցի համաձայն, ուսումնասիրվող տարիներին գյուղատնտեսության համախառն արտադրանքի արժեքի տատանումների շուրջ՝ 25.18 %-ը պայմանավորված է գյուղատնտեսությանը բյուջետային հատկացումների տատանումներով ($R^2=0.2518$), իսկ մնացած 74.82 %-ը՝ այլ և պատահական գործոնների ազդեցությամբ»: Հետևաբար ինչպե՞ս է ատենախոսը հիմնավորում պետական բյուջեից հատկացումների ավելացումը (եզրակացություններ 7 և 15.6 կետեր):
3. Աղյուսակ 3.1.1-ում հաշվարկված է արտադրողականությունը և որպես ազդող գործոններ ներկայացված են միայն ցանքատարածությունների, ծառայությունների սակագների, բուսաբուծության և անասնաբուծության ճյուղի

համախառն արտադրանքի փոփոխությունները: Սակայն, մեր կարծիքով, գործոնների շարքում կարող էին լինել արտադրողականությունը ուղղակիորեն պայմանավորող պայմանական անասնագլխաքանակի փոփոխությունը, գյուղատնտեսական նշանակության հողերի օգտագործման աստիճանը:

4. Աշխատանքում առկա որոշ բանաձևերում արված նշանակումները հստակեցման կարիք ունեն, մասնավորապես, էջ 27-ում ներկայացվել է առանձին արտադրանքների մրցունակության գործակցի բանաձև, որի տառային նշանակումները վերագրվել են «j-րդ անդամ-պետությանը»: Ենթադրվում է, որ այն կիրառելի է ԵԱՏՄ անդամ երկրների շրջանակում, որի մասին աշխատանքում չկա որևէ նշում: Եթե նկատի է առնվել, որ առաջարկվող բանաձևը կիրառելի է ցանկացած երկրի նկատմամբ, ապա տառային նշանակումներում պետք է հանել «j-րդ անդամ-պետություն» արտահայտությունը: Ատենախոսությունում առաջարկվել է գյուղատնտեսության մրցունակության գնահատման ինտեգրալային ցուցանիշի բանաձև, որի բաղադրիչ ցուցանիշների բացատրություններում դրանք ներկայացվել են որպես ինդեքս: Օրինակ, ԳԱԻ-աշխատանքի արտադրողականության ինդեքս: Ենթադրվում է, որ դա աշխատանքի արտադրողականության շղթայական աճի տեմպն է, որի մասին չկա որևէ նշում: Բացի այդ, բանաձևի որոշ ցուցանիշներ հնարավոր է հաշվարկել առանձին արտադրանքների կտրվածքով, որը հնարավոր չի վերագրել ամբողջ ճյուղին (ապրանքայնության, ինքնաբավության մակարդակ):
5. Աղյուսակ 2.1.8-ում (էջ 67) ներկայացված են ՀՀ գյուղատնտեսական հիմնական մթերքների շահութաբերության մակարդակները, որոնք այնքան էլ ցածր չեն, որ բնութագրի ճյուղի ցածր եկամտաբերությունը (ինչպես նշված է աշխատանքում):
6. Ատենախոսությունում հիմնական շեշտադրումը դրված է գյուղատնտեսության զարգացմանը և դրա արդյունավետության բարձրացմանը, որը թեև կնպաստի ճյուղի մրցունակության բարձրացմանը, սակայն հետազոտության նպատակը (թեման) գյուղատնտեսության մրցունակության բարձրացման քաղաքականության կատարելագործման ուղղությունների բացահայտումն ու հիմնավորումն է: Ուստի հիմնվելով միջազգային փորձի ուսումնասիրության արդյունքների վրա, կարելի էր առանձնացնել քաղաքականության որոշ գործիքներ ու մոտեցումներ, որոնք հնարավոր կլինեին տեղայնացնել ՀՀ-ում:
7. Աշխատանքում առկա են տեխնիկական բնույթի որոշ թերություններ, օրինակ՝ Աղյուսակ 2.1.5-ում (էջ 59) հետազոտության ժամանակահատվածը տարբերվում է մյուսներից (նշված է 2016-2021թթ. պետք է լինի 2012-2022թթ.), էջ 32-ում նշված է՝ «[[ԻՄՄ]]_ԷԱԳ- ՀՀ ազգային պարենային հաշվեկշռում ընդգրկված առաջնահերթ անհրաժեշտ պարենամթերքի ինքնաբավության միջին

մակարդակը էներգետիկ արժեքով գնահատված»: Սակայն ինքնաբավության մակարդակը գնահատվում է %-ով, այլ ոչ թե կկալ-ով:

ԵՐՐԱԿԱՑՈՒԹՅՈՒՆ

Լուսինե Համազասպի Ծպնեցյանի «ՀՀ գյուղատնտեսության մրցունակության բարձրացման քաղաքականության կատարելագործման հիմնական ուղղությունները» թեմայով ատենախոսությունը ինքնուրույն հետազոտություն է, որն ուղղված է ՀՀ գյուղատնտեսության մրցունակության բարձրացման քաղաքականության կատարելագործման հիմնախնդիրների բացահայտմանն ու դրանց լուծման ուղիների առաջադրմանը:

Թեկնածուական ատենախոսության շրջանակներում ստացված արդյունքները և դրանում ներկայացված առաջարկությունները կարող են օգտագործվել ՀՀ կառավարության, մասնավորապես՝ ՀՀ էկոնոմիկայի նախարարության և շահագրգիռ այլ պետական մարմինների կողմից՝ ոլորտի ռազմավարական, ծրագրային փաստաթղթերի մշակման, վարվող պետական քաղաքականության, կիրառվող պետական աջակցության ծրագրերի կատարելագործման գործընթացներում: Նշված արդյունքները կարող են օգտակար լինել տարածքային կառավարման և տեղական ինքնակառավարման մարմինների կողմից գյուղատնտեսության մրցունակության բարձրացմանն ուղղված նպատակային ծրագրերի, միջոցառումների և մոտեցումների մշակման, ինչպես նաև գյուղատնտեսությամբ զբաղվող տնտեսավարող սուբյեկտների, մասնավոր հատվածի ներդրողների, ագրոպարենային ոլորտի հետազոտողների համար:

Թեկնածուական ատենախոսության սեղմագիրն արտացոլում է հետազոտության հիմնական բովանդակությունը, արդյունքները և գիտական նորույթը: Հեղինակի կողմից հրապարակված 10 (տաս) գիտական հոդվածները համապատասխանում են հետազոտության ուղղվածությանը, դրա խնդիրներին և ունեն բավարար ընդգրկունություն:

Լուսինե Համազասպի Ծպնեցյանի «ՀՀ գյուղատնտեսության մրցունակության բարձրացման քաղաքականության կատարելագործման հիմնական ուղղությունները» թեմայով ատենախոսության և դրան համատեղ կազմված սեղմագիրն ու թվով 10 (տաս) հոդվածների հրապարակումները համապատասխանում են ՀՀ-ում գիտական աստիճանաշնորհման կանոնակարգի 6-րդ և 7-րդ կետերին, ինչպես նաև թեկնածուական ատենախոսություններին ներկայացվող այլ պահանջներին, իսկ

աշխատանքի հեղինակն արժանի է Ը.00.02 - «Տնտեսության, նրա ոլորտների տնտեսագիտություն և կառավարում» մասնագիտության գծով տնտեսագիտության թեկնածուի գիտական աստիճանի շնորհմանը:

Ատենախոսությունը քննարկվել է ՀՀ ԳԱԱ Մ. Քոթանյանի անվան տնտեսագիտության ինստիտուտի՝ որպես առաջատար կազմակերպության, «Ատենախոսությունների քննարկման և կարծիքների ներկայացման» հանձնաժողովի նիստում (12.09.2024թ., արձանագրություն թիվ 16):

ՀՀ ԳԱԱ Մ. Քոթանյանի անվ. ՏԻ ավագ
գիտաշխատող,
տնտեսագիտության թեկնածու, դոցենտ

Լ.Խաչատրյան

ՀՀ ԳԱԱ Մ. Քոթանյանի անվ. ՏԻ
Ավագ գիտաշխատող,
տնտեսագիտության թեկնածու, դոցենտ

Ա.Մատինյան

ՀՀ ԳԱԱ Մ. Քոթանյանի ՏԻ ավագ գիտաշխատող, տնտեսագիտության թեկնածու, դոցենտ Լ.Խաչատրյանի և նույն ինստիտուտի ավագ գիտաշխատող, տնտեսագիտության թեկնածու, դոցենտ Ա.Մատինյանի ստորագրությունների իսկությունը «հաստատվում են»՝

ՀՀ ԳԱԱ Մ. Քոթանյանի անվ. ՏԻ գիտ. քարտուղար,
տնտեսագիտության թեկնածու

Ե.Ա.Շակրյան

«12» սեպտեմբերի, 2024թ.

